

欽定剿平三省邪匪方略

正編

六
五

卷之三

三

三

欽定剿平三省邪匪方略正編卷一百四十二

庚申年

正月初三日

丙辰

吳熊光奏言竊

臣

欽奉

諭旨以景安在河南縱賊殃民畏葸貽誤各罪欵令

就近向完顏岱確切查詢

臣

駐紮盧氏邊界完

顏岱現駐湖北老河口江岸相距六百餘里當

卽飛飭該司將以上情節據實登覆謹將原單

密封呈

覽臣

一面於隨營文武各員稟見時密加訪詢僉稱賊匪齊王氏等於嘉慶元年起事後總在湖北暨楚豫交界地方滋擾並未擾及豫省州縣至

二年正月間賊匪竄至鄧州境內當經叅將蔡鼎都司蘇大雄等帶兵擊退其時豫省官兵除河北鎮官兵先未調動及調赴湖北協剿外邊

境實駐兵丁一千九百餘名交總兵王文雄帶

領堵截景安自帶馬步兵丁八百名在東路邊境防堵迨三月內賊又分三路由楚入豫景安王文雄等未能攔截遂至由豫竄陝與完顏岱所稱符合惟是

臣

隨營文武員弁均會爲景安

屬員究恐不無意存掩飾

臣

仍留心察訪如尙

有不實不盡之處容再據實叅奏不敢稍事瞻

徇其浙川一案

臣

於十月間在該縣審訊黃金

榜時卽將辦理前案緣由向原拏教匪之生員
張成立詳細面詢與完顏岱稟稱並無帶兵打
仗之處亦屬相同再各處探報陝省餘匪尙在
鎮安山陽等處分股遊奕經官兵躡蹤兜截現
復折向西竄豫省邊境寧謐但現屆歲暮臣仍
督率鎮將等官於各卡隘嚴密巡防不敢稍存
大意奏入報

聞

初五日

戊午

額勒登保奏言竊

臣

確探冉添元等

賊蹤星馳進剿因向有肝氣病忽又復發行至
王家壩地方竟致不能支持卽於彼處暫駐仍
令阿哈保格布舍穆克登布等帶領滿漢官兵
由寶平寺白楊河一路追剿前進旋據德楞泰
札稱趕剿徐添德鮮大川苟文明等股賊匪至

嚮水洞等處查該處係開縣界內而冉添元等所竄之路亦係向開縣前去阿哈保等當可與德楞泰相合惟連日雨雪不止該處又係深山老林恐官兵急切未能得手現據七十五呈報該提督由大寧之徐家壩赴楚界趕剿行至馬鎮坪探得張子聰一股賊匪在貓兒寨花果園一帶遂設伏相機截剿兩日一夜連次獲勝殺

賊二百餘名生擒李子覺等九十三名並搶獲
賊旗鎗矛等件張子聰帶領餘匪奔逃該提督
仍在趕剿又據朱射斗稟報該鎮在南江之竹
壩子地方將張世龍等一股竄匪殲殺一百數
十名生擒六十餘名賊又向陳家峽分水嶺老
林逃竄臣隨嚴飭該提鎮等將此等小股賊匪
趕緊掃盡不得稍有遲緩臣日內病勢稍減正

擬起程前往阿哈保等一路督率趕剿乃於二
十三日接松筠來信近有高姓戴姓馬姓羅姓
等股賊匪合而爲一由潘家山老林翻入城固
旋入南鄭境內之紅廟塘等處提督王文雄帶
兵堵截因衆寡不敵未能得手松筠又抽撥寧
羌守卡官兵五百名駐紮黃沙以顧沔縣但道
里甚長兵力甚薄而西鄉東路賊股亦多連日

拏獲活賊據供川省無糧可掠因官兵追殺甚
緊要從漢江上游搶入甘境覓食寧羌沔縣俱
與甘省相通係賊奔竄熟路萬一復遭蹂躪所
關匪細陝省官兵因張漢湖餘孽尙未洗除實
在不能兼顧等語臣查目下各股賊匪如冉添
元徐添德鮮大川苟文明張子聰等股賊匪總
在川省東鄉太平開縣雲陽大寧等屬盤旋折

竄其餘賊匪被剿情急多半在西鄉南鄭川陝

交界之處臣原擬將冉添元等股賊匪殲盡之

後再行以次剿洗今川陝邊界之賊竟思竄過

漢江蔓延滋擾是目前陝西寧沔一帶既關緊

要而漢江上游冬令水涸在在更須嚴防臣再

四思維寧沔一路竟須親自帶兵前往所有冉

添元等股賊匪已入閬縣一面知會德楞泰就

近一併剿辦所有阿哈保等帶領之滿漢官兵

除酌量留川外臣擬帶兵勇四千餘名卽由保

寧廣元一帶取道入陝相機辦理至七十五所

帶之兵本責令緊顧東面以扼賊匪竄楚之路

阿廸斯近亦帶兵赴大寧協同堵剿德楞泰在

開縣一帶係川東川北之中而朱射斗帶兵在

通江南江一帶係川之北共計三路重兵將川

中現有賊氛合力剿辦自可得手臣入陝後倘

將陝境賊匪驅逼入川臣緊躡而來仍可與德

楞泰等併力趕辦

額勒登保又奏言連日欽奉

諭旨令臣出奇設法兜剿又據高均德供稱劉楞在

龍紹周股內

諭臣密行訪查現在各股賊匪屢次被剿其脅從之

衆陸續俱已散出所存者非實在教匪卽係從
賊已久之人一時間有被擄者隨時又卽逃出
該匪等之輾轉奔逃尙能得食以延殘喘者蓋
緣民間雖築堡塞而小民各謀生理不得不趕
場散處是以猝然仍能擄掠到處狂奔今蒙

聖明指授機宜飭令用間出奇實爲上策

臣

歷次剿

賊凡設伏抄截均經得濟惟以山路過於紛錯

賊匪仍得隨處逃遁至離間之法必須勇幹有
爲之人方能濟事此時兵勇內頗難其人卽從
前投出如李士貴等亦曾遣令潛進賊營將伊

堂弟等帶出稍解黨與然爲數亦不能多臣惟

有隨時留心妥爲辦理至賊夥中頭目不一臣

每於各股中生擒匪犯研訊供詞並據各路稟

報軍情所稱賊首姓名多有互異之處但總未

聞有教主劉楞名目茲高均德供稱親見其人
在龍紹周股內且又係江南口音或係劉之協
改名亦未可定現探得龍紹周一股賊匪在陝

省平利奔逃

臣遵

旨傳知各路領兵大員留心查訪臣不日入陝辦賊

亦卽設法盤究倘能得此要犯更可盡絕根株
正在繕摺間據七十五呈報十三四五等日緊